

後村先生大全集

928
コ
30

三十



Faint vertical text in seal script, likely bleed-through from the reverse side of the page. The text is arranged in several columns within a rectangular border.



後村先生大全集卷之一百十九  
啓

賀湯司諫

乎號於廷名官以諫聖朝無闕事不待批於龍鱗天子有爭臣尤急聞于骨鯁識者相慶翕然同辭恭惟國朝參用唐制莫要於御史府莫清於供奉官誦岑參杜甫之詩曰趨東省拜陽城仲舒之疏時守延英向非一代之名流曷副九重之妙選恭惟某官淵乎似道浩然至剛栖近樂衡泌之間微起遇風雲之會公每抗論幸明主可為忠言衆亦望風意山人不樂





後集卷之九  
名利援禮以杜家臣之儲奮筆以誅世卿之萌謂君  
然後有反堵塞門謂盜豈容竊大弓寶玉鄭公所上  
百奏莫不切心陸生每著一篇必蒙稱善後宮敬憚  
於質肅貴端歛避於淳夫乃冠伏蒲之清班以旌折  
檻之直氣有若仲山甫之補袞方嘉賴之欲如神明  
逸之拂衣胡可得已行陟大坡之峻徑躋兩地之尊  
其反聽出綸不知折屐幸有要津為吾輩之盟主敢  
以晚節累平生之故人獻徂徠聖德之詩尚能勉強  
作韓子諫臣之論無復激昂

江小坡

上朝恭惟某官達知仁勇之三者塞直剛大於兩間  
賢路空則卷懷而藏世道清則覽輝而至奮筆誅陽  
虎之盜垂之丹書鑄鼎圖魑魅之形究其情狀謂祿  
不可去公室謂國不可有世卿謂援太阿於人者臣  
專謂擁虛器於上者主弱謂脩槩分事任於嘉祐謂  
鼎後並登庸於紹興謂士大夫詎宜作家臣謂聖天  
子當自為英辟鄭公所上百奏 下同

賀鄭侍御

後集卷之九  
二  
易見堂  
渙號廣廷晉班橫榻古所謂法家拂士莫如爭臣今  
不置大夫中丞遂長御史贊書初下輿論交歸夷改



昔賢有居是職我冠此李義府仗下皆驚草奉劾博  
陸侯廷中咸肅久矣二公之不作去之千載而若存  
恭惟某官有孟氏養氣之剛有曾子守約之勇不隸  
一介之助自結九重之知屬者國有世卿朝多私黨  
士登光範但知章蔡之恩公立上坡首抗鄭陳之疏  
曰厚俗以教慈孝曰命相以杜覬覦然後君臣之分  
巖然後父子之倫叙然後九鼎之勢重然後太阿之  
柄還饜鮑魚於朽腐之餘在諸人易縛猛虎於咆哮  
之際為執事難茲拜雜端以旌忠直必有以銷弭異  
時反覆之患必有以豎凝前日挽回之功既三院之

偏更風稜尤峻由中司而大用典故則然益進昌言  
永扶熙運某屬叨承傳聲聽置都在右靈葉中幸早  
陪於末至拜延英門外獨徂賀於太平

賀謝殿院

出綽楓宸提綱栢府古者國有拂士莫如諫諍之臣  
故事臺無長官尤重雜端之任贊書初下與望翁歸  
自昔明目達聰之朝必用犯顏敢諫之士有希文永  
叔實開天聖慶歷之太平無元城了翁誰為元祐建  
中之命脉偉矣執事今日之拜凜然羣公先正之風  
恭惟某官養孟氏之至剛聞曾子之大勇頃我豸角



親持虎鬚舉扇障元規之塵安能挽我裂麻阻延齡  
之相不亦壯哉自拂袖觚稜之邊徑誅茅廬峰之下  
屬者負宸收倒持之柄臨朝思曲突之言趣歸邇英  
俄擢補闕論蔡新州於題車蓋亭之後孰不力攻彈  
王命陵於入政事堂之初尤其先見丹心不改素論  
愈堅貴璫咸悼于淳夫掖庭知有於質肅皆謂霜稜  
之勁宜居風憲之雄觀三院之壁題姓名可考由中  
司而棟任典故則然益進昌言永扶皇極某屬叨乘  
傳聲聽置郵在右靈藁中何幸獲陪於下客賀延英  
門外自嗟不及於武人

謝閣學王侍郎為自代逆

竇度優賢姑慰國人之望公車引類誤蒙國老之知  
所愧哀年曷堪盛舉自唐虞之命元凱至漢魏之用  
公卿伯益作朕虞乃欲讓於朱虎華歆拜太尉亦乞  
授於管寧恭惟本朝薦代之規尚存古人相遜之意  
况公之褒貶嚴甚而士之軒輊繫焉如某芳猶菲菲髮  
已種種向來言語類楚接輿之狂老去形骸有哀駘  
駘之惡逢人莫不掩鼻通國無與立談避訪深藏貪  
榮浪出念正始世嘗聞中朝之金聲數元祐人僅見  
南都之鐵壁運之隆替有公等在意所予奪而天下



從何取于兩端空空之夫欲進之九官濟濟之列豈  
憎媿媚寧予麓踈茲蓋伏遇某官性學窮乎天淵直  
聲動乎穹壤坐虎皮閨新義士所樂聞執牛耳主齊  
盟孰敢不聽亦猶歐稱子美坡獎介夫求全實難取  
節亦可某年侵耳順事與心違回首故樓未免負鍾  
山移文之媿乞骸早退庶不為右靈薦藁之羞

受告謝程中書

濫長鳩工適當鴻筆寓河洛圖書之直臬事有光校  
卿雲黼黻之文綸言甚寵曾謂至愚之質併加溢美  
之褒歷觀西掖之雄辭無出東坡之巨擘家錢一語

風雷四方凡五采之章施蓋萬口之傳誦侯利建由  
江左憲臣而進擢范子奇以將作大匠而召還非兩  
劑如金石之不刊則二人與草木而俱腐廢今還詔  
復出蜀珍如某者久息影而深藏忽強顏而浪出孔  
殘負二宜去矣待人言稽康有七不堪懼櫻世患至  
若躡升華序驟昇隆名身縻壯駕駒轡之間較經鳳  
閣鸞臺而下念某江湖流落之久飾以雲漢昭回之  
光昔靈均自言有衆女之余嫉虞翻遺恨無一人之  
已知詎意孤生親逢殊獎良由筆端之予奪當不待  
身後之議論公驅馳頓覺於光華舞臨不知其嗚咽



茲蓋伏遇某官國之龜玉學者斗山文辭獨行于朝廷言議可著之廊廟盛德大業為歌頌其誰宜騰馥殘膏被沾丐者多矣綠梯初下皓首尤榮然某親年愈高官情亦薄上書而乞骸骨庶幾得竭力於旨甘函詔以示子孫焉委大惠於草莽

謝王侍郎舉自代 楚

登賢禁橐有大勳勞引類公車不遺故舊吹噓所及晚暮奚堪歷觀昔賢有處高位雖得與而無慚猶推轂而不休或評陸遜之才名宜為己代或表錢徽之年輩謂在臣前遐哉遺風盛矣茲舉伏念某入山林

而不密迫鍾漏而猶存好事傳訛記三五少年之作傍觀責脩笑六十老翁所為不能埋輪而立聲名蓋嘗上疏而乞骸骨惟論交之再世况受業而同門聽輔嗣之金聲親陪塵尾得右軍之繭紙常珪篋中車笠之勢久分膠漆之情不改屬者寵嘉勞舊登陟論思運流馬以餉邊扈屬車而上雍仰盛世夔龍之避必允僉諧先平生管鮑之交懼非確論茲蓋伏遇某官提老師之文印傳名父之心燈謂人物眇然深起乏材之嘆憫朋友缺矣首歌伐木之章既信復疑以榮為愧某摧頽暮齒感慨盛心尼父夷吾豈果不如



於農馬退之東野願為相逐之雲龍

回賈制置

驅馳遠使予環猥被於上恩獻納近臣推轂端由於  
餘論愧謝函之未貢辱慶問之俯臨伏念某謏隨弓  
旌起駕輶傳未免低回以就飲詎能奮發而立聲  
名無復着鞭甘避諸君子之三舍但思全壁下從先  
大夫於九原子職有虧使事無補屢叩闈而引去忽  
馳驛而喚歸葵藿傾陽戀闕之心固切桑榆垂暮循  
陔之日幾何雖九重惟行之令已頒然一介不移之  
愚難改只俟黃符之下即遂班衣之還凡此倖踰出

於吹送茲蓋伏遇某官奮孤忠敵王愾出隻手扶天  
傾舍人詩篇雜杜陵老而無辨太傅議論多漢朝儒  
所未言有赫赫之功名尚惓惓於人物乃如醜質亦  
拜好辭某盥手剝封滿懷堆感江雲日暮何由陪  
太白而論文活石天齊尚欲繼次山而作頌

答韓徽州

共理惟二千石稔聞謠頌之聲一封奏九重天聊舉  
激揚之職愧納交之甚僭辱執禮之過謙恭惟某官  
玉雪雙清瑣篋迭奏尋昌黎之墜緒發為文章治文  
公之故鄉興其仁遜一洗期會簿書之俗挽回禮樂



教化之風誦絃月異而日新襦袴昔無而今有寧減  
太倉紅芻之粟以活旱歲赤窮之民作牧者多如侯  
有幾與人誦子產其誰嗣之朝廷知弱翁且大用矣  
某早識大馮之半面晚交小陸之下風雖結束於行  
裝敢蔽蒙於嘉績公真所謂循吏蓋博采於僉言僕  
雖不及古人安敢當於私謝

答池州魏通判

疏渥佐麾消剛除籀屬時天塹大為固圉之防爰屈  
時髦小試康沂之績先聲攸暨羣聽已孚伏惟某官  
妙質天成嵩名日起先文靖如山澤之有龍虎偉矣

傑魁賢公子譬戶庭之生芝蘭居然秀美早跡內幕  
晉列中朝鶴行方快於九遷驥足乃煩於再展人疑  
支壘不足題仲舉之輿上念故家將親訪魏公之芴  
會盼迅召寧久平分某自笑滯留尚叨寅協向來  
樞府蓋嘗屢拜于北平歲晚節君儻許重窺於東閣

賜第謝丞相

對玉座而乞身未容還里賜金丹而換骨仍使登瀛  
雖奎畫之明揚寔化鈞之密啓寵光百陪辭受兩難  
竊以稀潤之舉惟其人遇合之際係乎命名相如陳  
王獻僅除元履之官前輩謂史太師不了故翁之事



魏則終身而長性陸方錫第而左遷未有旣齒名于  
皇朝後造之科復著籍於上帝圖書之府是為異數  
當屬竒才如某者學欠精專性多遺忘河陽耕牧莫  
能成周南太史之書汾曲田廬但欲卒銅川府君之  
業其進非由秀孝茂異之選所望不過國舍虞比之  
遷辰獻替言午效細札茲所謂本朝之曠典舉而華  
孤士之一身黃牒懷歸絕勝桂生於墳上青編老去  
恍驚慕照於閭中舊無千佛之姓名新有羣仙之指  
點衆羨致身于清望獨知回首於欽翹昔在端平早  
陪末至豈必立定夫於莫雪居常坐公拔于春風前

以宗伯待過英已辱蔡脩之薦後乎秀岩開史局未  
酬推挽之言及甄陶歸掌握之中果位置越拘攣之  
表何異加冠巾於澄觀施朱粉于無益筆硯久荒忽  
忝場屋遺才之舉布韋相語將有渠觀無人之譏茲  
蓋伏遇某官開誠心如武侯持衆美如房相謂取士  
之規模宜廣謂有司之尺度太拘育英才有大臣所  
以備國家之用以科第與風漢得無貽門館之羞况  
荒淺未能誦祈招之詩而辨博不足奉帝丘之問恐  
平清議徒竊隱憂某取教過多受恩罔極向春風夸  
得意非復走馬看花之時以紀傳易編年徒有絕筆



獲麟之感過此以往未知所裁

謝鄭少師

對玉座而乞身未容還里下並同昔在端平早陪未

至非止稱盛憲之名于九牧抑且誦杜甫之句於百

僚方吐哺下白屋之時所傳已廣及辟穀從赤松之

後此念未忘生成甚咏抱之勤位置越拘攣之表亦

相至茲蓋伏過某官好善最優譽髦無斁謂取士之

規模宜廣餘並同

謝趙知院

露疏乞身願補南陔之章句奎文錫第俾司東壁之

圖書內竊殊榮厚愧歷觀人物會通之際因歎

書生遇合之難皇祐諸老力挽聖俞竟止京朝之授

隆興二樞合薦務觀亦惟椽屬之選未有既齒名於

慈恩塔之題復置籍於羣玉山之頂是為異數當屬

竒材如某者學欠精專性多遺忘下並同衆羨致身

於清望獨知稽首於欽翹每造膝議延英政事之餘

必極口誦子產游獵之作奚異加冠巾於澄觀施朱

粉子無益筆硯以荒忽忝場屋遺才之舉布韋相語

將有渠觀無人之譏茲蓋伏遇某官開誠而布公推

賢而揚善謂取士之規模宜廣謂有司之尺度太拘



育英材在大臣所以儲國家之用以科第與風漢得  
無貽廊廟之羞餘並同

謝陳大參

露章乞身願補南陔之章句不與知院同至衆羨致身於館  
殿獨知稽首於闕門念首先君論交諸老及細攷碑  
陰之友誰堪托身後之孤方樂澗翁居北山嘗列執  
經之弟子今中書君開東閣未忘受業之陳人每造  
膝議延英政事之餘院同至以科第與風漢得無貽  
甄冶之羞餘與前同

賀鄭丞相

制麻播告揆席登崇太傅曰三公特寵初潛之舊人  
主論一相盡收旁落之權政出廟堂慶派宗祏嘗慨  
君臣之際莫難心德之同或親事法官莫望其未光  
或仰視殿雷不答於一語風雲之會不契若石之難  
寢輕所以季然問仲由冉求謂具臣矣必若孟子論  
伊尹管仲先受學焉恭惟某官手扶龍飛力扶鼇斷  
初元一變粹然用涑水之規摹歲晚重來見者異浴  
公之年貌上欲託國者屢矣公輒乞身而避之徜徉  
孤山夢寐一壑屬甘泉之烽踵至而延英之議背馳  
臨朝不怡當饋太息孰德望隆重能折遼夏之驕孰



心事和平壹洛蜀之黨艱矣政事堂之任屹然靈  
光殿之存謝傅未起之謂何甘盤欲遜而不可必有  
以易置壞局幹回危機扶天下之綱紀文章繫中國  
之衣冠禮樂問朝問左右咸無異言惟天惟祖宗克  
享一德方將開紫蓋之運然後從赤松之游某進觸  
悔尤退安義命每佩臨別承君之訓不通平生元旦  
之書然猶聽避新麾超加美職託孤危於大化勉忠孝  
於暮年昔誦狼跋之詩常願歸於公旦今被羊裘而  
釣安敢累於君家

二府

播告辨朝登堂碩輔上於二三執政將凡國家公以  
第一流人同升廊廟士心咸附民聽具孚竊謂自昔  
無不知之大臣矧今有難平之幾事博岩之憂阿衡  
之鼎古訓具存慶歷之車元祐之舟先賢深戒聖矣  
九重之獨斷赫然二府之一新恭惟某官員宇宙之  
名凜霜日之節其言議可以暴之當世其忠實可以  
對越上蒼國家關係以重輕海內想望其出處天雷  
之以殿諸老帝待之尤異羣公屬者邊遽繹廟謨  
柄鑿方將彊本收千里折衝制難之功是必攻圖自  
一堂聚精會神而始決於夢卜付以機衡必調膠弦



必鑒覆轍必開景運以弭厄數必實元氣以禦外邪  
毋使淮南論漢廷公卿如發蒙耳矣將見魏人謂江  
東將相豈下人者哉遂踐台司永扶皇極某頃繇庸  
品驟齒名流叔厚排秦丞相之深欲聲其罪子開坐  
蔡新州而去乃被此名孤聖主之騰知辱明公之汲  
引然猶聽辭熊軾進直義圖垂魚擁笏以娛親殺馬毀  
車而佚老非管仲將左衽被髮舉世所憂使悞輩得  
長衣清談緊誰之賜

除祕撰門憲謝丞相

白髮奉親安於綿隱皇華遣榮甚繡行向非使大臣

之育材誰个小人之有母強願承乏稽首歸恩伏念  
某屬者重來出于屢薦由任子錫科第若隆興寵務  
觀之時不旬月掌贊書用元祐待坡翁之事僕無他  
謬巧以速化工有大力量以曲成方舉國勇于去凶  
而當宁聽其謝事詞臣援秦叔厚請暴揚老捨之姦  
言者疑曾子開無忿嫉新州之意孤明主殊常之遇  
累師臣平昔之知一自退藏數為啓擬靈均去國至  
煩上帝之下招禹錫得州難強大人而俱往遂進隆  
名於中秘就陳臬事于外臺庭開喜而加餐鄉井訖  
其創見叱馭為忠臣回車為孝子慨兩全之實難按



事者刺史飲酒者故人要並行而不恃服勞伊始辱命是憂茲蓋伏遇某官赤烏之歸方新緇衣之好逾篤溫公除吏莫榮子駿京東之行文正憐才不奪大年陽翟之志恩侔郊翼報蔑毫釐某敢不采風問謠平反齒枉諭指蜀道素鄙相如之誇回首涓濱不無杜老之戀

謝三府

既還親舍綵戲甚懽就建臬臺繡行尤寵初服勞於原隰首叙感於欽翹伏念某拔起諸生遭逢明主賜梅聖俞王平甫以科第號為異恩擢王嘉叟韓無咎

於披坦出於獨斷每因宴見必竭愚忠及頃鬼質之除書屢獻瞽言而駭議衆女誰誣孰知賤妾之心天王聖明卒赦累臣之罪親年逾耄宦意漸閑解予環恐有後至之誅叨剖符又無俱往之理敢圖廊廟察王陽畏九折之塗不出里閭俾相如馳四乘之傳吏民除道賓客滿門足展丈夫之雄可謂書生之遇方將教萬世為人子者豈曰使四方無僕輩乎茲蓋伏遇某官懷仁義以敬王躬勞謙而下士興念萍蓬之跡方為菽水之謀迺命孺文按事而稱刺史庶令夢得有辭以白大人雖竊便安未知報効某敢不博詢



粵俗恪布漢條露綬而歸會稽陋賈臣之得志攬轡而清冀部希益博之餘風

謝侍從給舍

綵服承顏便于晨省繡衣將指華以畫行繫遠士之趨踰繇近臣之吹送伏念某頃趨嚴召謨簡聖衷稱獎形于堯言選擢出于義畫謂德裕少而力學不試有司謂仲舒文有古風最宜為誥偶逢明主之前席敢着時賢之先鞭每侍華光畢陳芹曝但求事濟奚必人知据李大臨宗敏求新見而爭上為反汗被曾子開彭器資之名而去誰與辨誣亦既退藏數蒙記

憶雖身有驅馳之志然親臨喜懼之年尚察至情就膺隆委終南別野免違种母之訓言長樂安輿遂用蔡公之故事自謀不過如此何德可以堪之茲蓋伏遇某官筆索之班已穹車笠之情未改念王陽畏九折阪出于貞誠使相如乘駟馬車極其尊寵榮親則可稱職實難其敢不圖報恩私益肩忠孝咨諏而獲五善躬原隰之微勞平反所活幾人奉庭闈之一笑

除秘書監謝丞相

餘哀未釋遂空萱草之堂新渥驟加俾長芸香之閣身獨先諸人而起廢衆皆云元老之憐才伏念某忝



乾道之故家陪端平之髦士百僚之上荷丈人於南  
甚貞四海之人謂相國知愈之至然而動多跋扈凡  
幾招麾去來不翅雙鳧乘鴈之微晚暮乃逢一馬二  
童之入放翁賜第蓋舊學開燕之言嘉叟掌綸尤先  
朝稀濶之典雖明揚於膺畫實密啓於細旃方置身  
漂搖而未安賴有物驅逐而使去及夫再調鼎彊重  
遣弓旌子欲養親不留誦斯言而永慨臣雖老鄉尚  
少嗟此念之久仄敢圖英袞之精明俯記祥琴之歲  
月黃紙猶濕青氈復還謂瀛州學士之登昔以為於  
嘉話如鏡湖狂客之去豈宜見於盛時力推挽於陳

人使追隨於羣彥茲蓋伏遇某官陽休而山立春育  
而海涵給禮而來廣館閣儲才之意乘槎者衆洗渠  
觀無人之譏雖已為坳壑之謀尚喚起鈞天之夢而  
某目眇頭白心在力疲外竊殊榮中包厚愧映藜而  
校天祿顧博洽之有慚戴花而老洛陽或風流之可繼

諸府

陟此餘悲未能出戶登瀛高選趣使起家斷無他謬  
巧干澤之謀得非天造化噓枯之力伏念某空疎一  
介迂濶半生經竇紹排推擯斥之餘光陰已晚處端嘉  
離合向背之際心跡甚明偶為前度莢花而來未嘗



復林先生集

則石堂

三宿桑下而去晚自遠方而賜對忽叨明主之異知  
驟竊人間清望之官若待天下名勝之士羣仙指點  
將疎身碧落之邊五鬼揶揄又失脚青雲之上去國  
再閨居廬三年領召節則若陳令伯之情訪史事則  
莫奉倚相之對甫更素鞵已畀青氈蓼莪罔極之哀  
久而逾切蒲柳先零之質憊矣不任蓋嘗力辭竟未  
報可森然羣玉長以大蓬前代有虞賀諸賢翰墨傳  
於簡冊近世若楊陸二老文字架如日星今乃登醜  
石於圭瓚之叢奏破釜於笙鏞之列恐士竊笑為時  
起羞茲蓋伏過其官以翁受為廟謨以樂育為己責

招延者衆既並敝於欽翹拔取其尤俾朋末於渠觀  
自憐遲暮亦際休明而其記誦都忘精華已竭上思  
纂史愧未能一措詞其間僕既細書安敢犯三及門  
之戒

臺諫

取數浸多以大蓬而入館秉心不固類小草之出山  
垂老彈冠由公推轂伏念某爵羅舊族盡篆緱生方  
寶紹間蓋三仕而三黜及端嘉際復一招而一麾了  
無宿桑下之心不記夢蕉中之事晚叨天獎親洒奎  
文起徒步而近紅雲一朵之邊遭逢之幸如此不旋



踵而墮青溪千仞之底乘除之理則然迨予環而復  
招迫扇枕而不至旋罹艱棘尚辱訪咨祈招不知倚  
相豈為良史祥琴雖御子夏猶有餘哀况帝所之木  
天比仙家之蓬島領袖之選縉紳所榮賀季真一代  
風流擅名於天寶陸放翁四朝耆舊特起于慶元既  
慚前修之典刑徒累先達之汲引茲蓋伏遇某嫉惡  
之辭嚴甚嘔枯之意益然國有訄謨遠猷必昌言于  
諫紙士或寸長片善常密啓於細旃力援滯蹤俾塵  
華選某實行不止孤立易搖恃霜威以自安庶晚節  
之可保南史執簡愧無直筆之遺風西洛戴花竊慕

者英之高致

復右文撰提舉明道宮謝丞相

貴權交口議汝瑕疵君相包荒復其姑缺捧黃書而  
驚悸攬雪涕之滂沱伏念某頃遂弓旌輒陳蠹筮士  
或攻上躬以為直竊懷食芹之小忠衆皆詆舊傳以  
立名獨感鬻彘之一飯固非委曲遷就以求合廢幾  
從容諷議而挽回及羣啄之紛紜懼本心之迷繆間  
因論建稍自激昂謂乳臭小子為法從羞謂墨勅斜  
封非盛世事謂杜祁公號稱賢相惟不久於中書謂  
李公擇可為版曹何必拘于能吏以至直前之密奏



力陳覆出之隱憂寧焚葉而畏人知欲還笏而致君  
事召歸於善類散羣之後固莫噬臍遂去於元老忘  
恙之時曷嘗濡尾夫何薄命屢有嘖言既奉身而歸  
猶吠聲未已堯夫深藏元祐役法之議付之忘言了  
翁虛作四明改過之書誰其知我賴元宰念欽翹之  
舊察累臣遭謠詠之誣由其孤立壹意而行素無黨  
援較之兩來三變之類似有等差擊禡尚新醴還甚  
速茲蓋伏過其官東山公之華緒紫岩相之後身以  
孤忠結聖主之知舉而託國以一謙得天下之士鮮  
不及門乃如癡殘亦借光寵某顛毛霜皓榮念冰漸

筆研俱焚無復有成山之史卑躬稍倦猶能為擊壤  
之歌

賀董丞相

播告辨朝登崇真宰敬王如我非道不陳於前夢帝  
賚予爰立而致諸福右流宗社喜溢堪與嘗合炎紹  
諸老而觀莫如趙張二公之懿良由沿闕洛而溯洙  
泗續先儒絕學之傳故能懲戎狄而膺荆舒開有榮  
中天之業萬古有光於史冊百年復見於矩堂恭惟  
其官蘊兩朝開濟之心兼四代禮樂之事胄出於江  
都相素漸三策之淵源生後於武茂翁實受四書之



付托所謂識其大者詎肯斷而小之臨邊號文武威  
風之臣在廷為魁異骨體之老與三豕俱去竈婢亦  
口驚及一馬重來都人太息遂升廊廟歷秉鈞樞敵  
無佛狸飲江之謀國有猛虎在山之勢屬者改調膠  
柱密覆金甌孰克享天心孰能熙帝載孰尊王賤霸發  
明春秋一統之言孰修身齊家踐履大學九經之序  
或系願以 上注意而出白麻垂紳之流舉笏  
以賀必開奏 以聚人材之渙散必建皇極以平  
國論之黨偏必正朝廷以及百官必合官府而為一  
體昔思軒生未造不為明君所知房魏開太平其奉

明主之問仰惟今天子之聖輔以大宗師之賢如公  
遭逢亘古稀濶某五窮不去百毀所歸上書而雪孝  
章昔有北海納官而贖李白今無汾陽聞英袞之顯  
朝與老農而擊壤乞黜削以成後史事有不然刻金  
石而頌中興老猶堪勉所為欣忭莫罄揄揚

賀程樞參

渙號九天外賢兩地出于獨斷甫進幹于斗樞曾不  
淹衣遂參調于台鼎寵數之異古今所無歷觀列聖  
之弼臣皆選一時之人望慶歷拜希文彥國嘗謀以  
事功熙寧擢閣道子方蓋取諸諫爭偉明公之大用



與諸老以同符恭惟其官材全而德不形任重而道亦遠山立玉色未易麾之去而招之來矣直冰清尚且端不已而澄不止徧居言責獨結睿知彼甘為貴臣之爪牙公不負天子之耳目露章映雪欲還攀殿檻之人霜簡指陳多及掃權門之客論思以後封駁尤甚偃月之期雖深迴天之力愈勁帝問諸在朝在野翕然曰賢朕有臣同德同心舉而託國以臺萊立基為喜以鞭靴及門為羞以近習之大服為內憂以謀報之幹腹為外懼哀衣見千贊共忻剋館之開黃麻以六經行對頭聽之拜某晚而浪出竟以沃歸老

生實坐言諱之疎取疑於絳灌時賢逆探心術之憂見比於荆館茲逢碩輔之登庸傑出餘齡於廢銅濃墨大字愧無頌聖德之詩蒼眉皓髯羞作問大鈞之賦

賀蔡樞密

明揚時望超東事樞天生五材古無去兵之理國重九鼎今有折衝之臣簾陛益尊縉紳相慶自昔大儒之後率多名世之英然韋齊之有文公纔登法從榮陽之傳太史僅止庶僚孰如慶元之聘君篤生賢祐之賢佐恭惟其官達知仁勇之三德塞直剛大于兩



間先師傳人前惟西山之一老象賢繼世後有存齊之二難其遺佚厄窮卒不火施故磅礴鬱積鍾為餘慶公之所立世所共知論戚宦則劉向周堪為師儒則陽城韓愈鳴鼓攻大京兆翩然出關舉幡送小司成至於空學帝馳急驛而召士喜久軒之來造滕格君心之非苦口規朝政之闕諫書每出紙價輒高冠于曳履之班託以主營之子蘇氏謂士有密友與通心腹之謀孟子嘆王無親臣孰任股肱之寄陪廊護之密勿占相業之權輿舜韶以一夔而諧漢儲以四皓而建即將以度而與疾斂手的貴以縮而撤樂減

勝彼有人未可圖天壘吳苑於馬筆儒無敵安得荆  
舊疆行返于龜陰某迫懸車之年負盈篋之謗江淹  
筆印遲錦深悔昨非黔婁食太印巾襪為終制親風  
雲之際會感歲月之蹉跎一返回虛久疏記室辟虀  
織屨已為於陵仲子之歸右社魏冠要亦江左夷吾  
之賜



後村先生大全集卷之一百十九終

後村先生大全集卷之一百二十

啓

除明道祠謝丞相

斷斷不可既遜於荒皇皇何之復歸於亳醜矣暴揚  
之惡仁矣啓擬之言伏念某曩叨詞臣謬掌書命間  
嘗斷臂不草屢封還而力爭向使運筆如飛必根着  
而勿去迨累微而後至復三黜而徑歸以暮齡垂盡  
之身受浮議無窮之責謂大年厚萊相敢不披襟而  
當誣子開黨新州似匪平心之論况專攻滄州過闕  
之疏不參攷四明改過之書姑由入宮而生事待蓋



棺而定取意公初當國僕首起家或奉白簡以聞請  
誅無赦誰曰緇衣之敝改造如初自笑衰陳飽諳閑  
散凡九祝帝堯之壽亦三典老儋之祠已迫崦嵫尚  
勞挾比茲蓋伏遇某官持至公以詔黜陟建大中以  
平黨偏謂古者之待老更有祝鯁祝體之禮念孤生  
之絕庖廩推繼粟繼肉之恩苟貪飲啄之便私寧免  
鈍頑而鮮耻某身謀已決官薄宜休陪平津閣之游  
既無路矣可神武門之奏終有望焉

謝二府

時賢嫉惡暴逐客之宿愆明主憐才賜散人之舊號省

循顏厚啓拔思深伏念某隆乾故家海嶠孤士垂從  
前輩頗偏參於諸方晚畏後生常謹避於三舍既掃  
空言語文字之習且脫離是非爭奪之腸奉了壯以  
聽里胥亭長之指呼執民禮以奉太守長官之條教  
雖漢庭之論不可光祿勳然畏壘之民竊賢庚桑子  
一切起廢復有攻瑕謂郡國切齒伯高謂公卿反目  
轅固但見寢除書之速罔知汙諫紙之由人亦有言  
汝何無罪果如白簡雖違累臣之誅猶着黃冠俾祝  
聖人之壽非賢弼和益梅之味則鯁生蹈壘粉之危  
茲蓋伏遇某官暮盡當於帝心予奪廢之公議已處



臯夔之任未忘管鮑之交陪瀛州學士之登恍周旋  
于曩日念絳縣老人之辱稍存問於高年久矣絕糧  
忽焉繼廩某官情已謝官薄可稽杜甫不忘君之忠  
厚寧有顧戀蚍蜉致為臣而去終賴開陳

賀柳齋元樞休致

拜疏不休出綸報可眷懷濃甚方將賜几杖而朝高  
興浩然必欲掛衣冠而去居然為萬代之瞻仰何止  
聳一時之見聞竊以明哲保身首播風人之咏耆老  
不謝難逃史筆之譏在下者姑為齊力既愆之言在  
上者曲示禮貌未衰之意或飯斗米而被甲上馬或

含兩齒而伏鉞秉旄或晚從自觀度逾之行或老受  
永年臨雍之拜或病留銅柱或臥載輜車子房赤松  
之遊靡諧謝傅東山之志不遂如公此舉曠古所無  
恭惟某官受四書於紫陽傳一編于黃石武侯定亂  
南人敢復反哉范公行邊西賊嘗寒心矣大勲藏于  
盟府一德格于皇天平挹魁柄而不屑為就如畫繡  
而莫能強物外之高入勝士羨洪崖之拍肩邊頭之  
驕將武夫為汾陽而屈膝主宗雷之淨社携劉白于  
午橋身逸一丘眉攢萬國煙霞之痼茲甚雲漢之章  
莫留辭使相脫孟勞晚節何慙於前輩拜太師扶靈



壽平生深鄙於若人以脫粟易堂厨以深衣代公衮  
山無怨鷺之株鶴家有停峙之鵝鷺南極老人之星  
端門重现西洛耆英之會畫史競傳汗簡有光眉壽  
無害某抽身雖久絡首猶存包若椹之深羞恨還笏  
之不勇奉表神武門之下亦欲効顰望氣函谷關之  
西庶幾聞道所為爵躍聊寓蚓鳴

回洪提刑

綸出九重繡行七聚當霄漢立竦然瞻雙節之來歸  
田園居老矣喜一枝之託迺馳惡札以候皇華恭惟  
某官蹈君子之中通天下之志游更事任同進者視

為書舊之人猶有典刑不識者知為忠文之子了無  
附麗自致顯榮植立視前一輩而有光建明多諸老  
生之未發入則在端人之日出亦展丈夫之雄持國  
不肩偏科然齊名於伯氏了翁雖為宰士靡求合于  
相君補外之時常多居中之日絕少尚且抗章歸節  
舉扇障塵謂范呂解仇酷匪先公之志况聃非同傳  
寧逃後世之譏稅之不留壯哉此舉以清易臬繇湘  
入闕不設鉤距而情偽知未嘗驚搏而雄狡服蓋得  
之獨立度過之際固異乎奮髯抵几之為皇遣使臣  
雖曰遠民之吐氣國無君子豈勝善類之寒心疏眷



方濃鋒追不遠某別踰一紀老厭百罹豈有文章積  
困謗傷之久本無名節矧遭畧獲之餘不圖攬轡之  
名卿尚記飾巾之病叟有時清夢傍謫仙落月之邊  
何幸殘年在子駿福星之下所為爵躍聊寓蚓鳴

賀賈丞相

鹿磯凱奏鴻閣袞歸古志有之平戎受上卿之禮玉  
音喜甚卻虜皆右相之功妖祲一空皇圖再造竊以  
國於天地江限北南若去秋偷渡之狡謀乃亘古亂  
華之巨變昔我恃方城漢水可據險而蹙之今彼越  
夏口武昌將順流而下矣向非武侯羽扇麾軍而至

寧免辛有被髮為戎之憂扶書而來駭怖馬姓恭惟  
某官孕赤城之間氣傳黃石之一編江淮晏清繫誰  
力也荆蜀危急行或使之彼役因而逞杜郵之境此  
已慨然泝瞿唐之險既奠井絡甫還渚宮鳴於地舞  
於樓忽屬城之告警屢及堂劔及寢先羣帥而啓行  
相且躬臨士皆死戰鄂雖全壁虜欲攻瑕耕內地為  
度夏之謀踐數州如無人之境王命召虎于方國以  
于宣天生李晟為社稷非為朕盡下襄樊之申親當  
興壽之鋒或執訊獲醜而來或剖腹與尸而去成先  
太師經濟之初志慰今天子夢卜之渴心萊公殫精



覽於澶淵力扶景德魏國走劉麟于淮右光輔紹興  
必能祈天命於億萬年必以收人心為第一義必扶  
持公議必號召端人繡裳班衣遂迎親而就養命主  
相印恨無官之可酬某少參諸老之見聞晚困後生  
之描畫三鍾絕支離之粟隻字無子公之書上方聽  
於相君公頗哀于公子篤累世通家之舊拔二雛選  
調之中恩斯勤斯至矣盡矣念已侵于鍾漏非自外  
於陶鎔曩求桂神武之冠見嗔時宰今喜秉中書之  
筆不屬他人慨切由衷庶幾從欲

除寶學知建寧謝丞相

重金甚寵奚補明時全望而歸有光晚節踴躍別無  
於粵援始終盡出于元台銜此殊知涉然感涕竊以  
大年過景德之主返陽翟而居坡公當元祐之朝解  
禁林而出觀諸老先生之勇退雖聖君賢相而莫留  
如某者本乞挂冠適逢歸袞起牛背而升法從鳴蚓  
竅而為詞臣上論指侯王稷俾視相如之詔草公告  
成江漢渠能作吉甫之頌詩問其官則取數過多使  
之年則踰七望八居每憂於濡尾去何待於淋頭玉  
音既諒其至情金口重為之密啓惟良共理非龔黃  
循吏之倫乃廣載歌真稷禹輩人之語傾都瞻寫擁



路聚觀音畫史圖疎大夫之歸文公序揚少尹之去  
久無繼者榮又過之茲蓋伏過某官再造皇家博開  
翹館仰臥龍之望重翁若攀麟憐老馬之力疲解其絡  
首委曲不違於物性甄陶倍貴於化工某敢不敬白  
松楸誇傳桑梓免漏盡夜行之謗逃筆誅晚謬之評  
恩等所天巧為之地華子岡輞川口幸可安老夫之  
身終南山清渭濱尚有懷大臣之意寸丹所蘊副墨  
未周

謝三府

露奏引年光陰無幾奎文優老寵教有加通西清學

士之班需南國諸侯之化請言趨蹌端自開陳伏念  
某亦乾道之故家際端平之親政徑由單冗寢歷高  
華愧匪先賢誤承明主之三入偶然後死恍靈光之  
獨存景運接陳橋之庚中歲年踰絳縣之甲子傾猶  
久廢亦辱旁招入陪細旃出扈法駕書行惟謹了無  
前輩之封還播告之修未必武夫之感泣况有七不  
堪之病力陳四宜休之言親灑昭回曲全進退懷九  
齡之扇而去有二跡之金可揮林下消搖佚八十之  
遺老榻前啓擬賴二三之大臣致此榮光集於哀朽  
茲蓋恭遇某官儲才於夾袋好賢如緇衣謂王吉本



不來既趨嚴召憐毛穎老而禿不可苛留全璧而歸  
播釣之賜某以大耄之聾叟為太平之幸民筆硯已  
焚衣裳亦懶懷翁子綬本無意於郡符宏挂景冠  
終有祈於堂判

致仕謝丞相

散地引年上价藩之符竹清朝優老陟奎閣之圖書  
遂孤生全璧之心皆上寧播釣之賜竊以弘景挂冠  
而去隱居華陽白傅懸車之餘醉吟洛社彼皆強健  
自請退閑用能竹帛流傳丹青模寫如某者螭頭一  
斥牛背十年迨讒舌現消已顛毛雪白菟羅首及適

逢赤烏之來器道有加不改緇衣之好索賸琳進柔  
蔭未移每於恭敬早朝之間常恐隕越天威之下荷  
元台之造膝言病叟之乞骸太守懷綬而歸與朱買  
臣而奚異丞相為詩以勸又陳大夫之所無然衰羸  
未易扶持加叟不能視履炊粲已熟戀豈自如非  
累疏顙天冀興憐于大耄是四維掃地尚得謂之全  
人方席藁以俟誅俄重書之報可士知足知止者少  
墜諸淵而未休公成始成終之難死于門而無悔茲  
盖伏遇某官疆四燒之戎索主諸賢之夏盟謂老時久  
陪翹林館之游及晚節屢拜神武門之表昔恐傷



金之媒孽或者矯情今無休迫而哀鳴出於真意  
為之地恩等所天某敢不息交絕遊回光反照九年  
病三年艾以身事而付醫百畝田五畝桑願力耕於  
而奉上

謝執政

八十老翁慨懷謝事二三執政啓擬曰俞佚半生擾  
攘之勞由一元亭毒之妙竊以景仁告老為新法之  
紛更永叔歸田以後生之描畫皆綠齟齬始決退休  
如某者本乾道故家忝端平朝士中罹毀曷晚際休嘉  
受聖君賢相之異知諫行言聽與諸老先生而並進

志合道同了無纖芥之嫌實迫承榆之景秋潤色則  
江淹之才已盡持議論則師丹之性多忘自覺瘡痍  
難當華近力辭曳履依然疾疫之來衰獨有挂冠或  
可湏臾而無死雖玉座朕知其慷慨亦黃扉委曲以  
開陳茲蓋伏遇某官主多士之齊盟壽本朝之元氣  
昔陪陳周太常之伯嘗尾英躔今念元和一漁翁曲  
全晚節許判官薄進直寶儲某敢不懺悔昨非研尋  
舊學膏肓泉石敢自附於幽人臨履淵冰庶知免夫  
小子

與馬中書



臣罪多矣初服之反已遲王言大哉華衮之褒溢美  
外尚多以為過內省恍然若驚亦既欽承敢忘私謝  
竊以遷史退徇財徇名之士購書貴知止知足之人  
昌黎序揚侯之歸宛如圖畫坡老賀歐公之去方之  
聖賢必有若人乃當此作如某者童而承學老未捐  
書當世大宗師嘗聞餘論諸方善知識亦頗遍參遭  
遇休明周旋華近大不能陪輔朝廷之遺忘小不能  
粉飾臺閣之典章方席前宣室之時入對屢承於顧  
問及扇賜曲江之際外邊未忍於棄捐豈不慕君自  
傷垂老雅志懸安車於田里優恩陟寶度於雲霄夫

何樂潤之遊踪尚費涌泉之傑思茲蓋伏過某官氣  
稟芝山筆鋒之秀文在盤州野處之間雖車笠之勢  
已分然膠漆之情不解僕名浮於寶已安鷄窠老翁  
之提公擬非其倫恐累鳳閣舍人之筆派傳寢廣殿  
踏靡安某雖甚疲癯猶思強矯飾中待盡不復彈今  
代之冠杖杖願觀尚喜聽後元之詔

回林中書

老伴星稀疏求謝事聖恩天大詔許明農俺生平尾  
毀之羞絲名勝玉成之力伏念某生髮未燥努力自  
鞭為小文章參大知識靈均憔悴惜往日歎緒風天



王聖明迴未光照薄暮詞臣當如原父而居懸思溢  
 講師當如晦叔而自覺語繁久擬要津大妨賢路雖  
 御手調羹龍巾拭吐忝儒臣之至榮然女愛極席畧  
 勸卑論亦古人之深戒力辭禁甫歸葦隱棲身已投  
 閑病猶不怨迴骸起死別無舐鼎之丹方但化貪生  
 獨有挂冠之一着此特出檀公之下計安敢希疎傳  
 之遺風茲蓋伏遇某官心傳諸佛光明之證手提千  
 古文字之印當舍人判鳳閣之始嘗綴清華念廷尉  
 張罽羅之餘曲相煖熟公殆以文為戲者吾愧無德  
 以堪之某敢不佩服味言堅凝晚節可止則止願學

聖某之時求仁得仁誰曰首陽之怨

謝廟堂 轉正議大夫

周二大老值我王之作興漢一秃翁非若人之倫擬  
 費上宰將明之力為陳人稀闊之榮慳免弗俞對揚  
 有覲伏念某承乾道故家之緒受穆陵國士之知每  
 停箸而觀其大雖壞麻不加之罪其如衆女謠詠群  
 兒謗傷十年不齒於縉紳已盟泉石一旦造歸於袞  
 繡首下弓旌載贖孫子以輜車起甃浮屠于高座遂  
 繇閑散復侍禁嚴素衣化京洛之風塵華迫崦嵫之  
 暮景不敢尸喉舌之任遂勝兀骸骨之章內府賜金



都門供帳帝作歌待忠嘉之告相為訢有名爲之褒  
雍容挂冠始終全璧在堂鶴歸沙苑龍去鼎湖今上  
勅興善繼先皇之志普天同慶孰如遺老之悲茲  
霈洪恩亦霑黃耆茲益伏遇某官藏補天之妙用擅  
夾日之元勳弘濟多艱雖百官之總已先輔初政恐  
一夫之向隅顧如衰殘亦忝優渥某自傷耄耄莫報  
涓塵寤寐獨言在澗梁而甚適栖遲可樂豈門戟之  
敢施

賀賈丞相拜太師

宣制九震冠階一品受先皇帝艱大之託勩相我家

當新太子清明之初維師尚父式是百辟格於皇天  
竊以累聖相承名臣輩出路國戎朝之衛武褒崇於  
還洛之時越王烈祖之甘盤登拜於歸節之後未有  
勳書盟府身處頭廳無官可酬委國以聽揆位極維  
垣之峻笋班歆絕席之榮自有生民以來無若今日  
之懿恭惟某官興王之佐振古之豪經營四方盡力  
鞠躬張皇六師執訊獲醜鼂極再奠狼煙一清豫畫  
雲臺今漢家九鼎之重手扶日鼓措天下泰山之安  
昔茂弘嘆岷墟百年孔明欲官府一體彼徒懷於此  
志公允踐於斯言掀翻窟月之妖蓂懲創吐江之狂



制重莫重于受遺定策難莫難於送往事居方襄城  
野與駟御而問壘獨山陵使雖風雨而攀駕卓哉此  
舉前者所無神禹獻祥兆域居然協吉靈胥受職波  
濤伏而不驚然後歸衣於京反虞于廟伊尹進今王  
新厥德之戒作商阿衡公旦有人臣不能為之功位  
周家宰其乞骸田里掃跡市朝永為耦耕之老農莫  
尾翹材之賀客幸生太平世聳聞涓叟之鷹揚雖從  
道遐遊不覺鴻濛之爵躍徒勤善頌未易名言

賀賈太師再相

大號渙揚元勳復相春秋一字蓋深嘉季友之來歸

父兄百官孰不喜傳歲之爰立維今之感振古所無  
竊以功名之際極難明良之合尤罕萊園決親社計  
尚罹小人孤注之譏韓公有定策功晚動老圃寒花  
之感此故老元臣所有免非聖君賢相則不然上下  
交孚始終圖任恭惟某官孤忠貫日隻手擎天夫子  
復生微伸其左社矣先皇獨斷歸公以衮衣分雖邊  
塵肅清然衆弊膠膈事方行人不便誰明范老之心  
恩已出怨誰歸每誦沂公之語屬倉猝抱遺弓之痛  
越拘孳危靈駕之行既服勤陵下而返虞即頓首宸  
前而復辟潛解虞卿之印徑登鷗夷之舟方玉几初



憑祥公皆聽命然金滕未啓冲人弗及知昭回千百  
字之挽留道近六七公之前勉及還別墅乃築新堤昔  
孟子將去齊亦出畫三宿今周公不之魯具相王萬  
年唯諾一堂芬芳千載某平頭八秩我日三麻聞勇  
去則眉攢杜陵老之愁覩登庸則心動石徂徠之喜  
念通來世化為崔尚欲銜環景迫旄期退下驢豈堪  
推唐達函借甚覆甌置之

賀太師平章

宣布制麻褒崇英袞港台台鼎而辭富貴紫岩奉母之  
至情冠師垣而拜辭章洛國頡朝之曠典甚盛蔑如

此矣孰若親見之哉竊以安危繫宰輔之一心忠孝  
觀臣子之大節雖旌回霧掃獨高龍再奠之功然晏  
罷垂朝稍廢鷄初鳴之問此容堂所以固請而當宁  
為之曲從春禮一新古今鮮儷昔越王有初潛之舊  
乃陟上公孔山加重事之名纔班亞傅維成厚之異  
數與元祐而匹休恭惟某官棟厦傑材擎天老手回  
紇捨兵下拜果令公來晉人長衣清談有夷吾在先  
皇帝哥以大事今天子學而後臣開拓趙張保一隅  
之規採用韓范禦二虜之策屏羣英於散池聚衆芳  
于本朝洛黨蜀黨分朋賴有溫公之翁受宮中府中



一體皆服孔明之至公依時而出思堂待旦而趨漏  
院坐妨扇枕析解葱珩無言可酬爰峻久虛之位有  
謀則就所謂不召之臣漢百參可無堯一變而足縉  
紳章布之相慶丹青作帛所未聞其今為版籍之民  
皆忝翺村之客充仲子之刺操寧復慕子紛華聞尚  
父之鷹揚不自知其鳴躍

又別幅

比者伏審揚廷敷播正位辨章韓王開國元功絕席  
淳化之世潞公累朝大老彈冠元祐之初或已去闕  
廷或時遊廊廟至若賜以湖山一曲依然泰階六符

豈非為人臣不能為之勲勞是以有生民所未有之  
恩禮觀奎文之屢灑見旒春之愈濃帝賚博說以輔  
台父兄百官咸聽天生李晟非為朕社稷萬人再安  
出則陳伊訓以告嗣王入則服菜衣以娛慈母瘠吾  
而肥天下上每敬於鯁言存我以厚蒼生公母親于  
細務澤侔禹禘壽等松喬某幸以餘齡覩茲曠典冥  
搜灑語擬獻主書念當世操觚之人皆我公夾袋之  
客莫不鳴岐山鳳之味得無包遼東豕之羞然而恩  
不敢忘禮不容廢敬勒惡札繳小啓申獻

進開國伯謝平章



上公顯相方撤俎以分膳一老明農亦綸出而進爵晚  
景竊躬圭之寵秋毫皆英袞之恩取教過多修辭推  
謝伏念某初無能解稍習藝文先人識北平王曠世  
之遇賤子為東閣客有年於茲久遭盲宰相之嗔誰  
起甕浮菑之廢穆陵更化國老憐才昔百賦千詩蓋  
自有子定價今三麻九制可獨行于中國朝始以文  
右宜為誥而留終以髮禿不中書而去弘景之冠已  
挂蘭鄉之璧猶全屬者上御大昕躬臨元祀周公率  
洛邑之祭曲盡肅雍史談當漢家之封自傷留滯顧  
草野尚叨子加地由廟堂不使之向隅茲蓋伏遇某

官秉持軍國之重權綜理祀戎之大事誕敷需澤蹕  
臨丹鳳之門加意耄臣詔下白駒之谷終慚朽質每  
費洪鈞某敢不抑抑威儀兢兢臨履禾廩三百溢增  
社之封椿歲八千徒祝翹材之壽

除龍學謝平章

河出圖洛出書開萬古珍符之秘祖有功宗有德嚴  
兩朝奎璧之藏曾是諛儒界之穹職伏念某曩持鈐  
槩密侍璫旒雖蒙分蓮鉅之光不過依葫蘆之樣及  
夫規恢天廣號令颺馳璽書至而竇融陳羽檄傳而  
曹瞞走聽山東詔癘老孰不願觀讀奉天書武夫至



於感泣古有此作僕非其倫自覺技窮力求身退幸  
先皇之古文禮士而我公之內恕及人為之解條許  
以還笏詎意瓦樞之撲拙尚厯奎畫之昭回生未忘  
拱北之心沒可揭征西之表卓哉知己何以報公茲  
蓋欣遇某官衛社元勳爽邦哲輔幹帝杓扶日較玉  
座遂安提天綱頡地絃鐵山亦碎吹噓暖律披拂寒  
菱其敢不永懷漂絮之仁思服翳桑之惠陪正觀諸  
學士蠟屐清華敷元和一漁翁自嗟遲暮

謝宰執

漢閣藏書莫重祖宗之訓周家養老不遺壽考之人

忝昭代之褒崇村餘生而感慨伏念某幼嘗濡染壯  
益研尋以小家教之文當大典用之任始自此追風  
之驟歷足塊輕久乃如上水之舡撐篙力竭而况英  
豪崛起事會方來鑄印以拜侯王馳書以安反側自  
敬興文饒之不作有畢誠封教之所難驢技已窮鼠  
腹亦滿嘗密鑄憐才之相不願為識字之人客候病  
軀久立戶外之屨天奪書眼長拋牆角之檠殿今聖  
賢相逢文物師古朋來俊又博選逸遺以簡蔚而思  
仲舒嘗辱唐家之掌制及老秃而踈毛穎豈若秦人  
之少思踐坡公駁壘之官冠明逸携登之閣雖奎畫



昭回于雲漢實化鈞啓擬于廟堂茲蓋伏遇某官種  
履明師棟梁碩輔昔傳說葉野帝嘗審象以求賢今  
揚維常朝士有成驕而撤樂遂令跡迹亦玷凝嚴某  
生叔季而論交獨夫子而知我齒衰才盡思重命輕  
老去圖書竊笑大玄之技問儻來軒冕羞為小草之  
出山敬以中丹陳之副墨

馬同知碩輔下云昔羽翼成矣史稱商嶺之從  
游今股肱良哉書述虞廷之膺載

常參政某官下云道倡諸儒德尊一代乃知朕  
心朕德見君臣之相須予欲汝翼汝為類弼諧

之宣力

謝馮給事

仲舒文宜為誥允謂簡嚴毛穎老不中書詎堪拂拭  
溫厚見王者之志疎遠極儒臣之榮琅然古音入于  
俚耳恭惟某官生了翁遺直之理有冕仲倫魁之風  
晉長冬卿超遷夕拜勁節見于論諫斜封畏其塗歸  
百篇丹青必本宣公之仁義萬事塵土獨留忠義之  
功名尚憐野老之衰陳因代王言而獎飾退而儕於  
屢氓之列引而進之閣老之間某敢不函示雲來襲  
藏巾笥錄開元朝報豈如昭代之親達覽正觀勅書



尚使後人之感慨

謝盧中書

大夫謝事都忘前供奉之銜內史贊書迺出吾故人  
之筆喜而溢美榮不益慚恭惟某官望重一時神交  
千載居三君八俊名勝之列仙舟同登及郡公先正  
凋謝以來靈光獨在因聖上有河圖之授進耄夫於  
闕老之聯朝野傳觀縉紳歆羨某敢不勤拳告廟巾  
龍藏家當代詞臣咸嘆無於此作異時襖帖將有感  
于斯文

答陳尚書

身如退鷁久矣卑飛班進老龍出子親擢非煖律為  
之一扇則寒灰何以復然恭惟某官以仁義敬王有  
謀猷告后昔揮毫薤葉蓋當聞儀鳳之鳴今采藥鹿  
門豈敢當卧龍之拜其登臺者也袞袞及在鄉黨則  
恂恂謂顏齡尚忝于除書雖散地亦垂于慶問書檠  
久棄安能如子政之然藜酒戶稍增所謂願陪孟公  
而後轄



後村先生大全集

與石堂

後村先生大全集卷一百二十終

後村先生大全集卷百二十一

啟

太夫人生日回張守丁酉

累世通家晚竊左符之庇  
小人有母適當初度之辰  
辱熊軾之臨門驚驪珠之  
出袖鏗鉤右調獎飾衰宗  
恭惟某官才擅風騷治先  
教化謂錫類乃邦君之盛  
舉而榮親亦人子之至情  
竹裏行厨非兒童之慣見  
花間艷曲徹士女之競傳  
居然改千里之觀瞻何止  
示一門之光寵某方遵慈  
訓共歸綿上之耕第愧俚  
音莫和郢中之倡

後村先生大全集卷百二十一

易見堂



又戊戌

蒼顏華髮屬親聞喜懼之年白雪陽春辱地主寵嘉  
之語家庭動色州里傳誇恭惟具官治行著聞文辭  
輒出每篤賢賢之禮尤推老老之心依滕文公而為  
祇得其廼托念顯封人之有母厚矣撫存揮掃雅詞  
光華誕節乃若盛儀之過腆揆于愚分而未安竊師  
舍熊取魚之言併援受羹反錦之義固慚方命必諒  
由衷被之弦歌雖之家姬之倡寫諸琬琰永為樂府  
之傳

棗州回通判壽酒

出守一麾無復青綾之夢揆予初度辱貽黃卷之辭  
恭惟某官善與人交譬猶吾味爰有壽藏之祝用為  
枯槁之華某千里顧雲兼旬勤雨目斷庭闈之定省  
耳聞田里之嘆愁方切隱憂敢當善頌男子生桑弧  
蓬矢自笑早衰美人贈錦段琅玕詎容虛受

宜春方宰壽詩

華髮陳人不記始生之日色絲幼婦忽貽絕妙之辭  
恭惟某官誼篤同寅情忘泛愛贈以柏梁之作祝其  
擢揀之年設蓬矢以懸門愧非盛壯卷錦鯨而還客  
心始和平



張守

退士無聞已具秃翁之態賢侯念舊忽貽幼婦之詞  
禮越等夷先生寂寞恭惟某官蟠胸萬卷落筆千言  
畫草朱幡雖深居于鈴閣桑弧蓬矢猶下軫于茅檐  
錫寡和之名章責早衰之陋質傳誇同志永為墨客  
之榮悞恨貧家未有雪兒之唱

方蒙仲

天生我辰安在自憐半世之窮歲既晏孰華予  
獨荷故人之意過形絕唱俯建哀蹤恭惟某人交誼  
歲寒毫端春麗朱弦綠綺無胡部之哇淫黃卷色然有

漢人之風骨念茲初度遺以好歌雖家乏春鷓能轉  
繞梁之調然門堪羅雀足華環堵之居矧兼盛禮  
之匪頌尤極懦衷之感慨所為摧謝悉俾昭言

王寶之

青雲失脚惟招逐客之魂白雪新腔忽枉謫仙之作  
夫何衰頹獲此瑰奇恭惟某客吾道宗盟斯文元氣  
批龍鱗探龍頷蓋嘗犯明主之顏料虎頭編虎鬚每  
欲唾貴臣之面雖忘情於當世尚興念於古人贈我  
好歌華其初度覺樽壘之動色顧弧矢而有光誦烏  
石崗邊之詩幸相尋于此日陪天津橋上之集尚無



棄於異時

方德潤石史

流年脫脫和南山種豆之歌妙語相尋出西掖判花  
之手里門傳誦泉石生光恭惟某官今之名流古之  
道直上坡建白可居慶歷四諫官之間後省留黃不  
在熙寧三舍人之下棄美官如敝屣等外物于浮雲  
獨君父之寸心與友朋之一念綢繆愈篤造次不忘  
似憐掃軌之餘適屆懸弧之旦管仲鮑叔蚤已論交  
老子韓非晚仍同傳浹其久活獎以名言至于臺觀  
之豐甚矣村居之觀某敢不呼童烹鴈携酒與魚慶

老穉之檀藥約親朋而被費人生之樂孰與此多誦  
烏石崗之詩幸相尋于此日陪天津橋畔之集尚勿  
棄於異時

張使君

蓬矢六懸自嘆栖遲之跡草廬三顧辱貽幼恥之音  
異哉以甕牖夕竇之人得此於蓬萊道山之彥恭惟  
某官毫端泉湧胸次水清鯨吞鼇作之文豈惟一集  
鳳髓龍筋之判動輒十言顧如下客之始生亦被賢  
侯之雅製玉盤洗金鞍簇既勞動于行厨銀筆述雪  
鬼歌復流傳于樂府殆似奉韶鈞以破蟋蟀又如列



鐘鼓以享鷄鷩邦域爭誇林泉改觀其心雖絕感願  
不勝慚平子錯刀莫報美人之贈鄴侯牙軸永為來  
裔之藏

顧知縣

掃軌推藏不記始生之日扣門剝啄忽貽寡和之章  
青眼未忘白頭增氣茲蓋其官誼堅金石文叶咸  
韶念三仕三已之餘不能枉道謂一貴一賤之際乃  
驗交情陳羹錦于匪籩傾瓊瑰于懷袖煌煌織翠之  
段非野老之敢留累累貫珠之歌之雪兒之能唱所為  
推謝未可立談

成丞

退士杜門無復男子系弧之志故人馳驛勿貽外孫  
蓋白之辭盛意殷勤衰蹤榮耀伏念某官深懷和璧  
早擅蜀珍卿雲黼黻之文衆推藻麗陳雷膠漆之義  
一洗炎涼鏘然宮羽之在縣爛若玄黃之實篚欲拜  
大惠似傷小廉懼鯨錦之不祥卷而還客貪驪珠之  
無價珪似藏家

戊申生日

王權郡

累臣初度誦楚客之大招野老幽棲屈嚴公之小隊



紛瓊瑤之委貳殷金石之有聲恭惟某官南朝文章之家西京循良之吏謂一鄉必有善士可廣見聞謂諸侯不臣寓公尤加札敬特製陽春之曲俾華晚暮之年蓬矢以射四方自嗟老矣草廩而藏十襲其永寶之

徐國錄

吾衰也久矣拊初度而自驚歲晏孰華予獨交情之未厭特紆麗藻以飾朽株恭惟某官思欲凌雲又如翻水謂故舊苟無大故胡忍棄遺念老婆非復少年強為塗抹所慚醜質不稱好辭文一字絹一縑莫酬

珍貺置十重巾十襲第謹寶藏

王教授

老將知耄反者今非盛壯之時生乎後吾師之古有忘年之契爛然文錦賁此緼袍某官筆如有神文不加照月一箱日一紙垂髻已看于雋聲朝百賦暮千詩刻燭了無于滯思不靳賸殘之膏馥以華晚晚之年齡蓬矢桑弧豈復男子之事燈花簷雨尚能續廣文之歌

林知縣

霜侵兩鬢何心然內史之灰塵滿左弧忽辱飛王喬



之烏贈驪珠之無價覺蝸舍之有光某官孔門言語  
政事之科漢京之學法理之吏暫收朝蹟種安仁桃  
李之陰博采鄉評顧仲尉蓬蒿之宅不鄙老生之陳  
腐特貽樂府之清聲桑榆之年陶寫固煩于絲竹木  
瓜之贈報酬常乏於瓊瑤

見任官

暮景閉關都忘初度夜光滿軸可謂暗投夫何大夫  
之賢不棄老夫之耄某官聲華鮮儷才氣軼羣大而  
發為犀角象齒之文小而見于龍筋鳳髓之判不鄙  
夷于衰朽俾沾丐于賸殘喜衆罔之得珠無因而至

懼匹夫之懷璧敢奉以辭

諸二友

老將老及不復有子壯圖子與人歌愧莫追於絕倡  
瓊瑰無價孤矢有光某官思如湧泉筆可扛鼎憂擊  
搏拊所以作止嘻笑怒罵皆成文章念其晚晚之光  
陰被以賸殘之膏馥君有青精飯願聞拾瑶草之期  
僕無明月珠何以報謔諭之贈

方教蒙仲

老色上面空漸弧矢之垂大音布聲忽聽韶簡之奏  
曄然藻麗賁此衰遲某官胸次冰清毫端泉湧雖多



識王翰李邕知名之士然尚記孔融稱衡忘年之交  
特製新腔遂成故事老夫耄矣無能為也莫少稱於  
家褒美人贈馬何以報之第謹藏於巾襲

卓教授得吉

老夫耄矣與時好而背馳士者笑之獨鄉情之未棄  
鏗韶鈞之入聽覺孤矢之有光某人文選青錢名標  
黃甲舉幡而集闕下不亦壯哉衣錦而還故鄉可謂  
榮矣尚且念陳人之華髮按曲子之親腔僕匪郢人  
愧莫和陽春之唱君如許劭得無累月旦之評既錄  
副以深藏聊搜枯而摧謝

卓知縣得慶

上同某官通德名流集英前列屬者入平津之閣嘗  
有裏言去而登單父之堂欲彈故調不鄙陳人之華  
髮特貽曲子之新腔

彭特魁

上同卓某官胸中之書卷五車筆下之詞源萬斛知  
名六館學者未能或先奉對丹墀天子擢為第一然  
且不鄙陳人之華髮

黃縣丞龍應

知者希則我貴矣何妨世議之不容歲既晚孰華予



芳獨有鄉情之未棄紛瓊瑤之委脫覺孤矢之有光  
其官貴名若揭日而行詞源不擇地而出蓋陪時序  
來讀黃香東觀之書寧詣天官去拂崔丞蓋田之記  
不鄙老生之陳腐特貽傑作之清新僕匪郢人

卓下同

壬子生日

張守秘丞

孤臣放逐尋童子之舊遊太守仁賢記靈均之初度  
茲惟異春匪曰常矣當煬者爭竈舍者爭席之時辱  
廩人繼粟庖人繼肉之禮里閭創見邦域傳誇卻之  
不恭有壓民之分守周之可受况地主之匪盼心之

感藏面以控叙

徐國錄

逆容罪深無復齒縉紳之列故人情厚尚未忘孤矢  
之朝妙語通褒衰頽有覲恭惟某官擅班揚之筆為  
管鮑之情吾立子名不磨若辨誣而作者子與人歌  
而善遂倚聲而和之極郢客之揄揚借相累之光寵  
為劉君壽未免費於昌黎懷南豐香真不慚于無已

王教授庚

養親不泊豈勝年運而往之悲越邑相贈存足見歲  
寒後凋之義寵嘉至矣哀暮慊然恭惟某官交道素



隆詞鋒尤雋昔鄭老客寒無壇之際嘗忝過從今程  
公門可張羅之時猶相記憶如惠始生之日遠貽絕  
妙之詞雖貧家素乏于雪兒不能巧轉然同社豈無  
于墨客可賞音佩德深含毫莫寫

方貢士

汝一

老夫無能而老矣已混泥塗鄉人之善者好之過相  
勗輩自慚晚謬將累且評恭惟某人文律素高交  
誼尤篤衆方奮逢蒙之勇競欲關弓君獨哀子厚之  
窮不忍下石恍夜光之投贈覺暮景之光華縱有紫  
金丹豈能逃于衰老况無青玉案何以報於美人

銘藏未易頌寫

方監元

定孫

毫矣無能為不記男子秦弧之日愛之忘其醜忽貽  
外孫蘆白之辭自愧衰顏詎堪獎飾恭惟某人交誼  
堅乎金石文律合乎韶鈞謂子美往時文采固嘗動  
乎人生念靈均歲晏憔悴不見知乎國人發蒙史之  
微談華禿翁之晚節種大槁於寂寞之野僕願保於天  
年折丹桂于廣寒之宮君即魁於仙籍聊持善頌少  
答味言

癸丑生日



張秘丞

伏承貽翰俯記懸孤僕迫蒲柳先零之秋自憐暮景  
 公臨桑梓必敬之地尤禮高年闔郡傳聚宗榮耀  
 恭惟某官麟蕤泰時鳳翔高岡貞觀學士登瀛洲才  
 名不忝西京循吏安渤海治行最優每記受塵叱之  
 微嘗在同舍郎之列而况古者之義不臣寓公故人  
 之情頗哀老子因其初度借以餘光龜腸驟餗於八  
 珍鼠量豈勝于一石俎豆之意甚寵囊壘之朝是慚  
 其稽首登嘉盈襟堆感雖無芹子效野老之獻勤惟  
 有辨香祝使君而面向

張倅

病叟歸田不記幼勞之旦故人監郡忽貽要眇之音  
 托之新腔華此暮齒恭惟某官風韻濯濯之柳辭章  
 藹藹之雲同時宰中牟宰密縣之流競着鞭而速化  
 歲晚相江都相膠西而去獨佩玉而徐行挺然松栢  
 後凋之姿念茲蒲柳先零之質特絃廟瑟加賁門弧  
 分風月之笑談起煙霞之痼疾樂府有將雛鳳真堪  
 補舊譜之遺貧家無轉春鷓竟虛辱詞人之惠欲伸  
 銘激不覺囁嚅

又



逃說居里畏既杜門塵滿左弧不復射四方之志位  
居半刺猶記受一塵之吐餽問優隆傳聞夸羨恭惟  
某官篤金閨之事契假茅舍之寵光我有嘉賓而鼓  
簧既倚聲而度曲吾哀王孫而進食復作禮而加邊  
辭受兩難感慚百倍孟子有熊魚之喻不得而兼楚  
人於美錦之問盖知所擇已拜餽牽于牧者輒歸筐  
實于帑人

徐國錄

人無百年詎作鐵門關之計詩有六義忽聆朱弦瑟  
之音自憐稿項黃馘之餘猥辱錦心繡口之作伏惟

某官讀書之眼如月作賦之才摩空草陳琳檄書何  
足煩于記室給和如筆札會有誦于子虛云何當代  
臺閣之流未忘一生江海之客方舉世攻其解學目  
以荆舒乃執事念其顏齡擬之揚范恐彼愛增之論  
恠公嗜好之殊披襟而當既非所安卷錦而還則又  
不敢愛玉體享黃髮期共保于交盟贈錯刀報英瑤  
愧莫酬于珍貺

李國正

使絳老年已侵尋于暮境為劉君壽迺破費于故人  
樂章被之弦歌臺愧旅於蘧豆久要無間初度有光



恭惟某官蟠苦縣之仙根孕長庚之秀氣諸生矜式  
嘗重席于西雍丞相挽留徑拂衣于東閣雖分風月  
不改歲寒招楚老之累魂製郢人之絕唱散花而問  
摩詰舉籠而餉右軍辱高詛之記存慰顏齡之落寞  
青藜紅藥俱回施于軍侯朝茵靈椿一委心於造化  
無佇枯思少答珍投

方北侔

揆予初度自厭餘生凡我同盟未忘舊好驟拜殊月  
華星之既大為寒灰槁木之榮恭惟某官鄉推跨竈之  
評家擅凌雲之賦唐京兆少尹寔階梯于顯官漢博

士議郎每位置于名輩交情不以寒暑燥濕而變興  
念及于寬閑寂寞之濱新腔付之歌兒珍餉霑于生  
客惠而好我愧明珠之暗投何以報君借辦香而回  
向

方制幹

大患為吾有身未能逃于世網皇覽揆予初度獨見  
厚于騷人妙語過情顏齡生氣伏惟某官沕九淵而  
奮蟄翔千仞而覽輝李邕識面王幹卜鄰咸羨中書  
堂之落筆力士脫鞵貴妃捧硯宜赴金鑿殿以揮毫  
尚俯為泛紅之賓且回顧垂白之叟問絳縣泥塗之



辱招湘濱顛顛之魂豈非高情欲激媮俗韓公嘆初  
節晚節凜若淵冰莊生謂大年小年猶之椿菌聊酬  
善頌且發鄙懷

方貢士

僕田舍漢淺膚情星歷之書君儒家流博洽通支干  
之說傑思汪洋而無涘殘年潦倒而有先伏惟某人  
舒海素深植瀾尤濶其論著沉涵于前輩以棄餘沾  
丐於陳人辰乎辰乎故曉辰已蹉跎于壯歲水哉水  
哉何取水欲挈致於清波追作者之雄渾慰此翁之  
落寞扁舟去滄海聊寄餘生乘槎問明河謹當回施

韓孔惠

懸蓬矢六慨壯歲之消磨倡朱瑟三喜百音之清越  
春葩絮發暮景光華伏惟某人著月旦之評挺歲寒  
之操僕昔作咸陽之逐客畔去者多君獨憐楚澤之  
累臣追隨不舍每值始生之旦必貽寡和之音俗薄  
交媮深愧緇袍故人之意齒衰才盡莫酬黃絹幼婦  
之詞

甲寅生日

權郡黃倅

祠宮冰冷方屏伏于故栖地主春溫迺寵嘉其初度



附存良厚衰頹有光某自揆退閑實難辭受拜魯公  
鼎內已負犬馬見畜之慙卻孟子餽金庶免熊魚兼  
取之戒

莆田黃宰

弦歌滿耳暫頌言偃之割鷄孤矢生塵辱記翟公之  
羅爵黃絹之詞尤妙緇衣之好如新某官永陽掄魁  
之家江夏神童之後謂鄉國必有善士不憚勞謙謂  
詔書每問高年尤加恩意念頽齡之晚晚借妙語以  
吹嘘某回顧殘骸仰孤成指譬越犬吠雪烏知作者  
之工與夏蟲語冰不滿達人之笑

文

柱下史休官幸退藏于暮景縣大夫好禮首存問于  
高年自愧衰頹上頌記憶某官武陵之調甚古山陰  
之譜家優辱絳老於泥塗深懲晉鄙之失遺杜陵以  
酒肉尤見東陽之賢念野史之垂弘命幫人而實籬  
幾于塞屋何止充庖第鵠鷄之悲痛方新况熊魚之  
取捨宜辨退之羊玉川鯉安敢累君家之清安期棗  
張公梨已足為賓客之寵區區摧謝縷縷費詞

葉寺丞

蓬矢四方之志久息壯圖朱絃三嘆之音忽貽古訓



荷故人之繾綣增病叟之光華恭惟某官乾道相之  
間孫高陽氏之才子當年琴調見思于羊石之民餘  
事詩篇傳徧于鷄林之賞節麾送試翰墨自娛乃如  
搗項黃馘之夫亦辱錦心繡腸之作某自慙哀颯不  
稱獎提以殤子比老彭公雖達識使巴人和郢客僕  
則厚顏勉課陳言少酬絕唱

李國正

僕與天祿校書同譜曾分太乙之光君真開元供奉  
後身解道謫仙之語博封甚寵初度有光恭惟某官  
蟠萬卷書操五色筆登壇而執牛耳方賴主盟入宮

而妬蛾眉寧無謠詠掩鼻人間之臭腐論心世外之英  
豪興念禿翁已為逋客桂生喻桂添自茂惟櫟壽  
之偶全韓子嘆斗牛不神獨箕張而不已發藥以得  
失乘除之理慰藉其老大傷悲之懷某主復華賤珍  
藏破篋蟪蛄朝菌豈能知大椿之年翡翠蘭苕安有  
掣長鯨之力

興化張宰

閣中劉更生耄矣誤蒸燈之照天上張公子燁然揮  
椽筆之辭記憶良勤衰殘有覲恭惟某官宜給漢廷  
之札暫鳴單父之琴問絳縣老人年深念泥塗之辱



續襄陽耆舊傳頗參州里之評自製新腔以華暮景  
君不惜過情之譽人將起泛愛之譏某虛負襟期第  
知巾襲南有箕北有斗常嘆三星之乘除愈為雲郊  
為龍安得四方而追逐輒憑惡札少答珍投

林知錄

吾生有涯薄崦嵫之垂暮君詩多態挾雲漢而成章  
疊出清新增榮衰朽某官傳故家之緒業接前輩之  
見聞遠盜泉惡木之嫌一介有所不取傳疎影暗香  
之訣外人那得而知分騷客之棄餘為秃翁之光寵  
某卷舒圭復巾襲瑤藏百年如泡沫風燈詎堪把玩

兩篇等華星秋月未易廢酬

趙司理

累魂歲晚誰憐澤畔之吟俚耳平生不慣郢中之曲  
忽聞古調增責顏齡某官諸王嫡孫文昌猶子汝陽  
眉宇杜陵謂之天人長吉詩歌離騷可以奴僕貽後  
逸參軍之作為龍鍾野老之光某旣矣奚堪手之不  
釋坐有飯湯餅之客莫不傳觀家無唱金縷之姬竟  
成虛辱聊抒拙惡少答勤渠

陳巡轄

德林

湘纍初度之辰凄其暮齒邦人寡和之曲聞此妙音



無胫而來拜手而受某官鄉國之善湖海之豪讀映  
雪書有從師取友之志袖凌雲賦非以質為郎之人  
按蕭亮之新腔責桑榆之餘景靈椿八千歲頗類其  
寓言錦瑟五十絃難追古調

韓孔惠斗

蒙叟稱標社樹以况散材荆公有挂枝香尤為絕唱  
辱君雅製華戎顏齡某人無孤憤書有復志賦近觀  
所作愈薰班馬之香一與之交莫解陳雷之漆每嘆  
心期之卓絕不隨時論而轉移寓意新腔有光初度  
其自慙退情徒負游揚內史一禿翁顧僕已老七歷

十才子非生其誰莫報珍投第勤圭復

丁縣尉南一

人生七十希已踐暮遲之境古詩三百五忽聆風雅  
之音華髮生光汗顏拜既恭惟某官騷壇巨擘藝苑  
英髦瀏亮精微之文源流諸父笑嘻嘻罵之作贈災  
一時分張墨客之贖殘假借陳人之枯槁某僅能誦  
誦深愧暗從續禹錫前度看花之詩自嗟老矣誦令  
威何不學仙之句竊有感焉

方貢士汝則

半簪華髮都忘直斗之辰一闋清歌忽聽過雲之響



清新協律哀晚生光某人中與獻書之家淳熙聘君  
之族眼空四海何小兒之足言筆幹千鈞非曲子所  
能縛憐其暮齒分以殘膏某喜甚賞音窮于還費辱  
長吉古錦裳之作足慰哀顏無秦郎小石調之才難  
酬絕唱

林貢士逢丁

大人男子之夢永負親助幼婦外孫之辭深慚友誼  
曄然藻思榮甚華顛某人作賦之筆凌雲讀書之眼  
如月元方難兄季方難弟二惠濟名大陸任東小陸  
任西一門競爽尚分膏馥之殘脂似念鬚眉之老蒼

某不記懸弧稍稽還贄山中訪陶洪景早上挂冠之  
章月下無盛小叢虛滄貫珠之曲

林省元

詩讀至夢我慨親助之莫報歌聲振林木驚俚耳之  
未聞異哉老生有此奇獲某人令之重客士之譽髦  
祖孤山禰月魚早負清高之志師稼軒友笠澤居多  
豪放之言雖無半面之因緣亦有殘膏之沾丐掇崑  
崙之瑤樹莫駐哀顏吹緱嶺之玉笙空傳餘響



後村先生大全集卷百二十一終

後村先生大全集卷之一百二十二

啓 丙辰生日回啓

黃教授

挂冠神武門已過陶公之年事寒種廣文館許同鄭  
老之襟期惠旣謬寵光晚節恭惟某官沉酣六藝貫  
穿百家獻元和聖德詩可編之詩書而無愧作大歷  
中興頌非老于文學其誰宜雖云校官迺客諸侯奈  
何宰相輒失此士無容登臺省之美有恂恂居鄉黨  
之風言念衰遲素同臭味昔叨獮獍直不能鼓天上  
之風雷今已放歸尚且念夜深之螢雪遊戲呼香山



之兄文牽聯尾洛社之耆英分以殘膏欲其眉壽其  
朗吟無數虛受有慙抑抑威儀豈曰武公之善諂  
兢臨履敢云夫子之縱心耶課空疎少酬繾綣

潘使君

急景凋年拊心自愧高山流水蓄耳未聞來於塗唯  
之堂華此戴白之堂史恭惟某官學到聖處心與天  
通佩服保赤子之言奉行問高年之詔特貽古調加  
惠陳人假借之語過情幼聶之音叶律某素懼藻思  
莫報珍投七十希年謾悲歌于杜老萬八千歲敢善  
頌于魯侯

林直院

漆園傲吏自嗟槁項黃馘之餘金鑿謫仙持枉錦心  
繡腸之作類齡罷甚高誼凜然恭惟某官世之文豪  
天之奎密尚方所給之禮揮翰如飛人間未見之書  
然藜盡請不由介紹結知人主皆謂才名占得翰林  
心慕鯁直之大年面斥乳臭之小相幾年湖嶠流落  
鬢毛已蒼在處江山護持筆力愈健尚記登瀛之侶  
今為專壑之人俸無一囊年已七秩憐其居窮處約  
忽烹鯉而有書知其合族合賓為買羊而沽酒以至  
援元祐之一老及祥符之三賢皆非癯殘所可倫擬



數元和學士公行居五相之中圖洛陽耆英僕黨在  
九老之末第慚醜質不稱好辭某朗誦以還閣投是  
愧了無生意等枯枿之逢春竊喜殘年如長庚之配  
月

徐益簿

蓬矢以射四方負壯心而永慨朱弦之音一唱鶯俚  
耳之未聞藻思過遠蒼顏改觀恭惟某官氣沮金石  
筆驅風霆不衮衮于諸公迥頻頻於國學以史官榮  
韓愈孰云宰相之知將科第放劉蕡大觸貴人之怒  
棄榮官如糞土重交友如天倫援引過江之二賢寵

嘉窮谷之一叟甚虛蒙前祓自覺摧頽七  
十古來稀  
久相傳了斯語百年渾是醉敢不舉於君觴

吳即中

老夫無能為忽焉耄矣鄉人之善者惠然好之拊初  
度而失驚聞片言以自壯恭惟某官人之麟鳳學者  
斗山負當代少雙之才若大廷第一之選封平津拜  
丞相彼我公孫之阿諛相江都徒膠西甚矣董生之  
廉直力行古道尤篤故交興懷淳熙之遺民曾是真  
元之朝士烹鯉而得有素書之甚勤籠鶴而歸無黃  
庭之可換高情鄭重齒暮光華其稽首登嘉推懷銘



惠七十欲不踰矩願永佩于聖言五年以長比肩焉  
敢當以兄事

葉寺丞

七千古來稀已踐暮遲之境一篇三致意喜聞倡嘆  
之音獎借過情衰陳增氣恭惟某官臨風玉樹承露  
金莖素負大歷才子之名嘗在貞元朝士之列沉酣  
古製可追芝房寶鼎之歌游戲新腔不減花間香奩  
之作念病翁之晚景借貧女之隙光某心愧暗投誰  
難虛受癡年偶長獲接洛英之游俚耳微聾徒聽邦  
人之曲

卓常簿

疑絳老之年迫茲暮景顧周郎之曲貽我好音傑作  
擅場陳人攻觀恭惟某官空臆奉龍墀之大對摘髭  
攀蟾窟之高技甫端委而立朝俄拂衣而去國一時  
典冊捨燕公大手筆其誰餘事詞章非秦郎小石調  
之比念其哀珮沾以賸殘某第謹寶藏莫酬珍貺奏  
清平調逸才無出于謫仙吟詠達詩晚節自儕于李  
老

趙監簿

鐘鳴漏盡莫逃夜行之譏玉白花紅忽聽春風之唱



噓枯語妙念舊情深恭惟某官才在唐諸王孫之間  
 名占漢郎甲科之上深藏此手大放厥辭擊拊天球  
 廟瑟之音琅琅應節游戲玉臺香奩之體疊疊逼真  
 綵筆褒嘉華顛光寵某焯嘶久廢貂續未遑非太白  
 飲中仙行召見沉香亭之北媿老澹柱下史遂徑出  
 函谷關而西庶及餘獲觀盛事

李國正

老態催人難星星攬鏡之髮高情念舊贈累累貫珠  
 之歌如惠陳人遂成故事恭惟某官天之奎宿人之  
 謫仙不翕翕于貴權尤眷眷于交游昌黎先生韓愈

繆為拜東野之恭魯國男子孔融獨有雪孝章之語  
 念累臣之歲晏挾詞客之春華某珍誦以還襲藏惟  
 謹譬如廟瑟尚遺踈越之音不善洞簫安取倚歌而  
 和所為推謝未易措詞

趙寺丞

親伯始猶冀土爾吳羨久生賢庚桑而俎豆之姑從  
 眾論猥叨厚享良覺靦然雖未御卜商之琴然亦灑  
 邠公之翰高情敬故侈費傷廉見老人使之年深憫  
 泥塗之辱謂鄉曲莫如齒寧拘爵德之尊愧之湘累  
 之才可答洛英之意



高教授

人希七十者自感頽齡詩有六義焉猥形善頌清新  
無敵衰晚增光伏惟某官塲屋盛名辟雍前輩每存  
古意采西銘尊高年之言加惠陳人當離騷授初度  
之日發舒麗藻華飾朽株某自顧惟頽詎堪提獎體  
兼風雅異于高史之為景迫淹磁甚矣劉郎之老

林知錄

希年七十漸老子之婆娑秋月兩章嘆參軍之俊逸  
瓊琚無價孤矢有光恭惟某官富于天才輔以家學  
片言雪枉幾令園土之空三語造微遂破公車之白

不惜賸殘之高馥俾華晚之光華某久廢蛩吟莫  
能貂續肯介公子肯分古錦囊之餘阿堵貧兒安得  
明月珠之報

陳司理仙遊黃尉

秃翁耄及髮種種以奚為幼婦詞工歌累累而不絕  
新美無度衰遲有光恭惟某官周之譽髦漢之墨客  
源流古意如聞廟瑟之遺籟括新腔欲出香奩之上  
所慚老病詎稱寵嘉贈我錯刀曾莫效張平子之報  
惜君栢板奉陪唱博文士之經

諸士友詞



癡年垂耄吾生也有涯綺語唾枯永歌之不足發舒  
藻思燿耀華顛恭惟某人游戲千篇包涵六義動闕風  
化孔氏所不能剛生古人後何汾以為可續尚念陳  
人之衰朽肯分騷客之棄餘奏朱弦瑟綠綺琴誰歎  
和者之明月珠青玉案何以報之

諸友詞

湘纍歲晏方此行吟鄂客詞高為之奏曲雅情故寓  
俚耳未聞恭惟某人擅黃絹之詞續朱絃之唱遭逢  
文治不為楚狂之鳳歌游戲詩餘且異江公之狗曲  
發舒妙思光飾希年吹二客洞蕭安得坡公之兩賦

倚三節玉笛可無太白之五章率然奉訓甚矣不敏

方醜蛙

圖洛社之耆英歸然德齒歌坡公之水調流出胃襟  
妙語唾枯交情耐久恭惟某人謀期曠達筆力雄渾  
張公九尺之鬚眉一生不屈杜陵萬丈之光燭羣兒  
豈知雖輩行之在前每朋友之加厚新腔一出眾口  
皆傳小年不及大年豈並行之敢僭今樂何如古樂  
况雅唱之難酬

林貢士逢丁

孤矢四方之志落壯圖鼓吹六經之文光華晚節



不辭而受何德以堪恭惟某人擲地聲清凌雲氣逸  
入光明叫問閻孰敢爭鋒游雲夢登陽臺衆推投簡  
方將攀月中最高之桂尚且憐道傍無用之樗假以  
毫端欲具眉壽免冠而挂神武已決引年措笏而調  
阿方深慚無力

丁巳生日回啓

宗守監丞

居士似唐白叟馮襄貌于香山太守如蜀文翁被雅  
歌于樂府光華暮景聳動傍觀恭惟某官華宗開府  
鐵石之腸先朝景文筆削之手循良之最今昔所無

韋侯之香甚清陳蕃之榻常下士無閉門踰牆而避  
農有員未受壘而來加礼任崇莫効忠於菴水興憐  
絳老不忍辱諸泥塗擁熊軾而臨門駭驪珠之出袖  
不止叶咸池之律真可回寒谷之春某雖甚龍鍾不  
勝爵躍還遂良之笏已決退休聞伯牙之絃徒甚感  
慨

林侍郎

繪洛社耆英之圖鄉盟素寫第甘泉從臣之頌筆力  
獨高宮羽均調柔蓬光寵恭惟某官子美之書萬卷  
敬輿之奏百篇為諫官御史以來丰稜尤峻于君子



小人之際袞斧甚嚴名勝傷心憤至反目風霜之感  
暫霽月旦之評方共推問絳踪老之年雖漸晚出尋  
烏石崗之路聊喜同游贈之好歌申以善頌某熏玉珪  
而捧玩加緹襲而珮藏我慕史儋闕吏送車牛之去  
公如君實都人迎童馬之來勉課燕詞少酬藻思

見任官

僕挂門弧自嘆暮遲之境公絃廟瑟忽貽幼眇之音華  
皓生花空踈抱愧某官高才見幕府之三語餘事為  
河梁之五言七言云相梁之七言嘻笑皆成文可頡頏于前輩  
戲語不為虐聊假借于陳人捧戴若驚襲藏無毀嗟

嗟吾衰之久矣已迫頽齡與人歌而和之了無新意

戊午生日回荅

宋監丞

中壘尉白首尚顧影以貪生廣平公鐵心為倚聲而  
度曲屈隼旗之貴重增鳩舍之有光恭惟某官今之  
通儒古之循吏公奏潁川太守之最行且下于墨書  
僕之南州高士之風每辱懸于賓榻念野老桑蓬之  
旦摘天孫雲錦之辭焜耀林泉播傳邦域不但貴洛  
城之紙亦俾熏韋寢之香某珍襲十重朗吟百過自  
慚下俚若為和郢客之歌竊慕夙人但迴祝魯侯之



壽

林侍郎

爵羅却掃拊暮境而興嗟  
 絨素傳呼袖夜光而投贈  
 粉榆動色孤矢增輝恭惟  
 某官詞章今之知雲氣節  
 古之蕭汲誅奸之勇烈日  
 嚴霜接物之和光風霽月  
 念老生之衰頹借初度之  
 寵嘉本洪範一曰壽之言  
 寓離騷三致意之作外觀  
 榮甚內省慊然某朗誦以  
 還珍裁惟謹惠而好我探  
 五色筆而見貽何以報君  
 薰一瓣香而迴向

徐監簿

推頹暮齒可禁凋年急景之推  
 繼續交情猥被秋月  
 華星之作與篋蓮而偕至覺  
 孤矢之增華恭惟某官  
 文律咸韶誼襟金石念昔氣  
 求聲應嘗游陳元方鄭  
 康成之間迨今形槁心灰已  
 在綺里季夏黃公之列  
 因臨初度特枉新篇加冠巾  
 于髡緇之顛施蒸火于  
 寬博之褐傍人竊笑老子汗  
 顏某主復不忘珍藏惟  
 謹借衰朽以發文章之妙君  
 所優為操下里而和風  
 雅之音僕也安敢

方書監

貞曜詩字况侵晚景君房語  
 妙為製新腔辱錦心繡



賜之高才華貌霜顛之病叟伏惟某官文章若三  
軍之朝氣聲價重連城之夜光頗念陳人猥形善頌  
浮沉苟免絕非三君八俊之流放逐始歸夫豈四皓  
二疎之比徒益老夫之愧難當幼婦之辭某雖極冥  
搜莫酬絕倡東坡曲子固異秦郎之為南豐辨香深  
戢后山之意

莆田謝宰

還遂良之笏姑佚殘年彈子賤之琴辱貽古調雷封  
爭誦晚景有光恭惟某官古謫仙人今佳公子月明  
拆靜未妨種潘縣之花晝永簾垂長是夢謝池之草

興憐八秩之遺老幸受一廛而為氓妙語寵嘉顏齡  
榮耀問絳人之甲子年事已高紀楚客之庚寅騷情  
有媿至寶第勤于襲巾冥搜莫報于珍投

魏知錄

老子婆婆倏開八秩參軍俊逸辱贈五言味興寄之  
深長覺衰殘之光寵伏惟某官紫冒山之秀氣清油  
幕之上賓興念陳人退休寓里昔百賦千詩之作堵  
墻共觀今再哀三竭之餘長城安在祖述河梁之體  
張皇洛社之圖賣求益乎妙矣寂寥之數語散木  
無用也全其擁腫之餘生輒修蕪詞聊啓玉齒



己未生日回啓

徐益薄

老色上面已薄，崦嵫大音聲希，忽聞韶濩，褒嘉過矣。衰朽歛然，恭惟某官立朝之節，霜嚴去國之名，山重瞻言西洛，尚有耆英，誰謂南州，便無高士。勵歲寒之雅操，念晚景之陳人名酒，以散其牢愁，碩果以寓其深意。和七十三吟之作，可謂切題。雜三百五篇之中，殆將無辨其珍藏翰墨，夸示親朋。先漢諸儒，晚節深慙於劉向，朝文士平生尤重於徐陵。輒課訥辭，用酬佳貺。

林侍郎

病叟此昏不記，劬勞之日。耆英繾綣，忽貽幼眇之音。過矣，偷揚榮哉。衰朽恭惟某官咸韶文律，金石交情。士誦奏賦凌雲之篇，史載論事回天之疏。公嘗司存雨露，是為筆索之臣僕。久辱在泥塗，日就與臺之役。未忘懷於車笠，爰假寵于桑蓬。隳括新腔，光華暮景。其徒知寶玩，莫報珍投。身似維摩，示疾見於黃面。家無樊素，倚聲托於朱唇。荷德之深，有言則淺。

鄉守趙寺丞

蓬蒿滿宅，甘暮景之退閑。祭戰臨門，委夜光而投贈。



笙鏞間作孤矢增輝恭惟某官典刑老成被服儒雅  
齊相訪治道或避堂而舍之滕公誠賢君有受廬而  
耕者興念門闕之客晚為板籍之民昔賈生召至漢  
廷銳然有志今申公罷歸魯邱耄矣何能欲黼黻  
其頽齡遂俎豆以列禮際括花間之樂府指揮竹裏  
之行厨父老聚觀兜童傳誦某低頭欲拜捫腹有慚  
和鄂客之歌僅成俚調頌魯侯之寄莫繼風人

又送善儀

野叟明農久有桂衣冠之興府公敬老未忘懸弧矢  
之辰貽翰相存加邊甚設恭惟某官治先風化誼篤  
交情事賢友仁猶有故人之遺意貴德尚齒類非俗  
吏所能為况以多儀華其初度昔馬功薄每虞厚饗  
之歎髦矣食浮未免老饕之愧

梁倅

僕如蒲柳懸弧矢而自傷君屈箒篋袖珠璣而委貺  
宮商相叶衡必有光恭惟某官東漢華宗北方學者  
平生意氣徧納文于諸公餘事文章亦稱雄於同社  
念陳人之暮景託通守之共知鄂客之調尤高穆生  
之醴初設某耳非師曠聞絕唱而失驚腹負將軍雖冥搜  
而莫報



李宮教卓常簿趙監簿

皇覽揆予初度已臨黃髮之年久要不忘平生為拊  
朱絃之曲自憐衰朽不稱寵嘉恭惟某官流畧兼該  
才名獨步肯如賈傅持論扶漢廷之老生今若孔明  
折節下襄陽之耆舊託陽春之絕唱華晚景之餘齡  
某虛辱衮第知巾襲公追風驟頓哀伏慙之衰僕上  
水船難敵湧泉之思

蒲田謝草

男子系孤之志追感童年外孫壘四之辭有光老景  
厚矣琴童之貺榮哉環堵之居恭惟某官資既高明

才尤果藝龍筋鳳髓書判動教于言玉白花紅倡和  
亦三百首託新腔之幼眇為初度之寵光某韞匱十  
重薰蕕三復顧周郎之曲君素知音和郢客之歌僕  
非協律

沈教授

問絳縣老人之歲已過希年誦廣文先生之歌足華  
暮景連城無價環堵有光恭惟某官經為人師又有  
古意何止青矜之高第盡出作成其於黃髮之舊人  
尤加禮敬新腔協律皓首知榮某筆硯久荒巾箱永  
闕偶全晚節甘從洛下之游非有妙音難和郢中之



曲

方僉判

曰吾衰也久矣寧復壯圖與人歌而和之莫追絕唱驪  
珠之寶無價雀羅之門有光恭惟某官祭然有文淵  
乎似道昔白袍羣試嘗陪澤宮之俊游今黃髮相看  
尚記燼亭之舊話倚聲宮羽假寵桑蓬某三復以還  
一詞莫措圖洛社之會愧匪耆英聞周廟之音第  
知倡和

夏縣丞

僕髮成絲不記劬勞之日公詩如錦足為衰晚之光

恭惟某官折桂名高峨松韻勝使者推謝令而去勇  
矣理輪太守賢許丞之廉慨然授印首疚心而求虞  
尤尚齒而敬賢其念寒灰槁木之餘寵以秋月華星之  
作某譽村夫子敢廁耆英之游賴縣大夫庶免泥塗  
之辱

知錄司法

老夫髦及膏筋力之寢衰幼婦詞工自肺肝而流出  
過門甚罷環堵有光恭惟某官氣欲凌雲文如翻水  
阮生三語畫幕素高太白百篇騷壇尤峻念槁項黃  
馘之叟奏疎越朱絃之音其自愧顏齡頗孤盛意髮



今種種適當絳老之年腹素空空難和郢人之曲

許主簿

柱史出關駕斗都忘初度才子入門下馬忽贈新腔  
恭惟某官揭日貴名湧泉傑思早收魏第依稀入洛  
之年回顧陳人荏冉鈞璜之歲妙矣棲鸞之絕唱榮哉  
羅爵之貧居某頭有素標既虛紀絳人之歲腹無墨  
點又難和郢客之歌

林潮州

老上面權去心空有助勞之感君乘車我戴笠未忘  
貧賤之交托古人六義以成章聞長者一言以自壯

恭惟某官奕世文章之錄先朝忠義之門九熊膽閱  
家藏曾費慮下十年之力犯龍顏取恩澤止憑成上  
數行之書帝將安渤海之民公出補昌黎之郡昔紅  
巾滿山官不能捕今黃雲布野歲乃有收果細札之  
為彼俾介圭而入覲當齊相趣裝之際愈見雍容若  
靈均初度之辰尚煩記憶念槁木寒灰之一老貽華  
星秋月之兩篇有錦以分丘遲有香以熏杜牧已過  
措大家之望亦為癡頑老之榮某徒愧盛心自憐暮  
齒洛社真率之會猶可追陪周廟唱嘆之音若為  
屬和



庚申生日

鄉守趙寺丞

大夫有賜于士謬甚罷嘉小人不知紀年重煩記憶  
 錯落珠璣之作輝煌啓戟之臨恭惟某官源流父師  
 被服儒雅兄今施設皆昔講明朱轡勸耕之餘行春  
 絕少紅裙踏筵而舞記夜極踈有昔人憂宗國之心  
 念前輩尊高年之語慨男子柔孤之志僕迫耄期搗天  
 孫雲錦之章公真泛愛珍懷無價蓬華有光某協律  
 未能修詞尤拙謂秦少遊工小石調素昧新腔陪傳  
 大士唱金剛經竟虛雅製

林侍郎

第甘泉從臣之頌爵齒素高過絳縣老人之年光  
 陰已晚自愧不彫之朽質曷當絕妙之好辭恭惟某  
 官學者宗師國之壽雋平生氣質布列於皂囊白簡之  
 間餘事文章出入于玉臺香奩之作念論交于早歲  
 矧締交于暮年度僚視持橐之臣非其論矣同社看  
 戴花之監前亦有之新腔出而金石相宣都騎臨而  
 衡茅改觀某了無瓊報惟有珍藏押紫宸殿下之班  
 聳觀此日尋烏石崗邊之路儻許異時

李宮教



七十者希偶獲報標擄之壽一日之長乃順執桑梓  
之恭憐其華皓之餘寵以青黃之飾恭惟某官文天  
清而水止學地自而海涵紫氣出函谷之闕了無慕  
顧黃勅主茹君之洞未易招麾言念陳人早交下執  
有期願之壽而不昌名德僕豈無慚盡斯頌之敬而  
先酌鄉人公常從厚爰假韶鈞之作以為孤矢之光  
某雖攬枯腸難廣絕倡贈我明珠錦囊謹稽首而拜  
嘉借君拍板門榼聊開筵而發笑

卓常簿

上同共惟某官周清廟士漢甲科郎有叔孫起菴之

勞既定滄中之禮無長孺積薪之嘆肯薄淮陽之行  
言念陳人下同

趙監簿

上同恭惟某官周公族子漢甲科郎搏九萬里扶搖  
欲挾飛仙而上佩二千石印綬足展丈夫之雄言念  
陳人下同

方監簿

上同恭惟某官中朝髦士間世奇材藏善和書何足  
供柳侯之讀露會稽綬孰不歆翁子之榮言念下同

葉寺丞



上同恭惟某官相門賢胄聖代譽髦陽城元結之思  
相望于千載既焉陳琳之筆未露于一班言念下同

梁倅

陳人掃軌不記初生通守過門忽貽絕倡深味褒嘉  
之意足為遲暮之光恭惟某官唐朝補闕之華宗慶  
歷相君之同譜謂國初始置監郡雖甚尊嚴謂古者  
不臣寓公加之禮敬念野老桑蓬之旦分天孫雲錦  
之章謙撓屏松下之傳呼流麗叶花間之體制蜀公  
有感喜柳永之填詞華老過苛譏秦郎之放潑

辛酉生日回啓



第35435号

平成 3.11.22

聖和学

928

國短大

7

圖書館

30

後村先生大全集卷之一百二十二終

後村先生大全集

貝研堂



學  
號  
SS 11.2  
入  
庫  
四



